

Зарқын Тайшыбай,
Қазақстанның еңбек сіңірген қайраткері,
Қазақстан Жоғары мектебі Улттық ғылым академиясының академигі,
М.Қозыбаев атындағы СҚУ профессоры

Шәкіртерім түгел жазылды

Әлем халықтарының берекесін алған осынау бір қиямет-қайым қын жағдайда сабак берудің қиындығын күн сайын бастан кешіріп отырмыз. Студенттеріңмен бетпе-бет жүздесе алмайсың. Үйден шығуға да шектеу бар. Жалғыз мен емес, ұстаздар қауымының көрген күні осы екенін де білемін.

Ал менің тәубе қылатыным, облыстық «Soltustik Qazagstan» газетінің әрбір үйге жетуіне бөгет жок. Болашақ журналистер үшін пайдаланатын негізгі оқу құралымыз газеттер мен теледидар хабарлары болғандықтан, дәрісті солардан бастап, шәкіртеріме мысал ретінде келтіремін, сұрақтарды да « Soltustik Qazagstan » мен “Egemen Qazagstan”-нан, “Qazylyjar ” телеарнасынан бастаймын. Жерлестерімнің үйде отырып-ақ, әлемдегі құбылыстар мен оқигалардан хабар алышп отырғаны қандай жақсы!

Бүгін айтайын деп отырғаным, “ Soltustik Qazagstan ” газетіне жазылу мәселесі. Мысалы, “Журналистика” мамандығының 1-курс студенттері түгелдей жазылды. Біздің ниетіміз - “Қазақтың бір отбасына” бір дана “ Soltustik Qazagstan ”. Бұл - жай сөз емес. Шақыру, қажет десеңіз, ұранымыз болуға тиіс. Әсіреле, отаншыл, ғылым-білімге құштар жастарға арнап айтамын. Мұғалімдер “ Soltustik Qazagstan ”-сыз сабак өткізе ала ма? Өткізе алмайды.

Епіміз тәуелсіз, тіліміз, үніміз тәуелсіз, өмір-салтымыз тәуелсіз болсын десек, жергілікті қазақ газетін жаздырып алуды міндеттім әрі борышым деп түсінсек керек. Кейбіреулер ойлауы мүмкін: “Газет қаражаттан қиналып отыр екен!” деп. Жоқ. Қаражат емес, еліңнің тіршілігі, ағайын-туыстың амандығы туралы ақжолтай хабарды күн сайын анаңың тілінде, ата-бабаңың тілінде алудың өзі бақыт емеспе?!

Осыны жазып отырып, күйзелгенімді де біліңіз. “Қазақ газетін алдырып оқыңыз” деп өз қазағынды үгіттеген не сүмдық! Қайтейін, намысым жібермейді. Осы сөздерді айтқызып отырған да сол намыс.

// Солтүстік Қазақстан.- 2020.- 5 желтоқсан.